



ATASSUT
Postboks 399
3900 Nuuk
+299323366
Fax: +299325840
Atassut@greenet.gl
www.atassut.gl

Nuuk, 13. oktober 2008

Inatsisartut suleriaasianni § 36 imm.1 naapertorlugu, Naalackersuisunut apeqquq imaattoq matumuuna saqqummiuppara:

Naalackersuisunut apeqquq: Inuttaasut akornanni persuttaasarneq annikillisarniarlugu

Naalackersuisut qanoq pilersaaruteqarpat?

(Inatsisartuni ilaasortaq Emilie Olsen, ATASSUT)

Tungavilersuut:

Pissutissaqarluarpoq aarleqqutigissallugu inuusuttuaqqat amerlaqisut siunissaat aserorterneqartooq siusippallaartumik imigassamik atuisunnngorsimaneq taamaattussaannartut isigineqaleriartornera aallaavigalugu.

Kalaallit Nunarput ataatsimut isigalu imigassap piliai amerlavallaaqat persuttaasarnerillu annertusigaluttuinnarlutik, ilaatigut ataatsimoorluni eqimattanngorluni saassussinerit tusarsaagaluttuinnarput, ajoraluartumillu akuttunngitsumik paasisarparput inuusuttuarannguanut allaat taamatut persuttaasoqarnerani akuusarsimasut.

Tamanna akiorneqartariaqalerpoq tusarnaartuuginnarsinnaanngilagummi, persuttaanerummi kingunerisaanik inuup timimigut tarnimigullu ikiligaanerata saniatigut aamma angajoqqaat ilaqaataasullu eqqugaasarput kiisalu persuttaasut ilagisat ilanngullugit eqqugaasarlutik.

Taamattoqarneratigut Kalaaleqatigiit akunnerminni imminnut akeqqersimaalersinnaasarput, soorlu imigassaq kinguaariinni malittaatitut taaneqartarpoq aamma inuiaqatigiit persuttaannerup kingunerisaanik akeqqersimaaneqartarpoq.

Kinguaariit akornanni imigassartorsimanerup malitsigisaanik persuttaasarnerit nangiinnarneqartartutut inissisimalertarnera akiorniagassaavoq imaannaangitsoq, inuiaqatigiillu taamak ikitsigaluta suleqatigissutigingikkutsigu taamaattussaannartut isigineqassaaq.

Politiit ukiumoortumik nalunaarutaanni tamatigut ersersinneqartarpoq imigassap atugaaneratigut ilaqtariit annikinngitsumik eqqugaasartut.

Taamaattumik sulinniutit ersarinnerit suliarineqartariaqarput, Naalakkersuisut isorliunerusut ilaanni imigassat kimittuut matunikuuvaat, tamannalu innuttaasunut toqqissinerannik sunniuteqartoq Politiinit nalunaarutigineqarpoq.

Tamannalu nuannaarutsissaavoq, kisianni miserratsissaanngitsumik Nunatsinni illoqarfiit annersaanni ulorianarluinnartunik allaallu ajornerpaagaangat inuunermik akeqarsinnaasartumik persuttaanernik pisoqarfiusarpoq, soorlu eqqaareeriga inuusuttut allaallumi inuusuttuarannguit eqimattakkaarlutik persuttaasarnerat tusarsaagaluttuinnarpoq.

Inuttaasut toqqissillutik ersioratsillu nunatsinni inuusinnaasariaqarput, taamaammat matumuuna Naalakkersuisunut apeqqutigaaara inuttaasut akornanni persuttaasarneq annikillisarniarlugu Naalakkersuisut qanoq pilersaaruteqarnersut, tassungalu ilanngullugu makku eqqarsaatigillaquakka:

1. Imigassap inuttaasunut sunniutai
2. Imigassat kimittuut akoriikkat inuusuttuaqqanit atugaanerisa annertussusaat
3. Inuiaqatigiinni ersiornertaqqanngitsumik inooqataanissaq
4. Persuttaanerup kinguneranik inuviaqatigiinni avissaartuunneq

Naak angajoqqat akisussaaffimmik annerpaamik tigumminnituugaluartut isumaga malillugu piffissanngorpoq suleqatigiissitaliornissaq, immikkulluunniit udvalgimik pilersitsinissaq anguneqarniarli. Nalunngikkaluarpara imigassamik ikiaroorntumillu atornerluineq akiorniarlugu suliaqartussanik naalakkersuinikkut toqqakkanik sulisoqartoq, taakkuli suliaannik ersarissumik takussutissaqanngilaq, ersarinnerusumik tusarsaanerumillu suliaqartussamik udvalgimik pilersitsinissaq ujartorneqarniarli.